

豫章叢書

第二八冊

強園作噩之祀余還江右抵臨江假寓天寧寺寺密
邇郡庠因與教授吾吾吳先生舜舉游先生嘗語余
曰郡承大亂之後民皆習武事厭儒術學宮雖存絃
誦絕響教無所敷吾甚恥之旣而時異事殊先主屏
居閭里闕一室續學藝文惟以奉親訓子爲務勢利
紛華之習眎之漠如也郡洊罹兵變干戈相承學官
荒闕袁筠之境遺民逸士聞先生名每延置其家奉
贊請益雖武夫悍將多遣子弟就學焉四方搢紳大
夫求詩若文戶屢恒滿平居無事操觚染翰著述不
厭境與意會必形之吟咏學者多傳誦之遭時多難

竟齋志以歿惜哉先生歿十餘年其子均棄次遺藁
屬爲叙余嘗見先生文集篇帙甚富今所存僅若此
蓋掇拾於喪亂之餘不能全也先生之文典實古雅
從容於法度之中其爲詩冲澹和平發乎性情之正
世之工乎侈靡浮麗以流連光景嘲弄風月者不可
並論也先生世家臨川履齋丞相之諸孫也蚤游吳
文正公之門獲聞聖賢之學故處乎斯世卓然不易
所守使得位而見諸用其事業必有可觀也詞章云
乎哉均字仲權好學而文能守其家學云渝陽胡居
敬叙

吾吾類稿目錄

卷一

四言詩六首

五言古詩七十四首

卷二

五言古詩六十四首

七言古詩三首

卷三

五言律詩十六首

五言長律二首

七言律詩六十五首

五言絕句十二首

七言絕句十一首

雜著十一首

吾吾類稿目錄

吾吾類稿卷一

元 吳皋 撰

四言詩

答穆文學代竹言

猗猗青筠弱於崇岡
冪冪繁陰媚彼飛鳳
有美君子德音孔彰
樵彼斧斯斲苗芟篁
永貞是保爰底于昌
靈湫宅神龍也筠之
城隅有泉淵然泉上
爲宮肖龍以人雨暘
疾疫民有賴焉沉詩
其間神或樂之故作
是詩以投之

泓彼淵湫閎靈城陬
爰宅其幽承其庇休

泐淵以融築之新宮肖人而龍厥貌有顯
奕奕其庭濯濯其靈被於羣生嘉祥是徵
嗟予不辰國步薦迍有德靡伸余何其臻
陳而詩之或言遠之辭之鄙矣式塵視矣

靈湫五章章四句

五言古詩

贈人歸覲鍾陵

落日白荒荒遵渚飛冥鴻苦寒霜續薄淒其號朔風
客買鍾陵舟泛泛烟霧中自言定省曠疾首如飛蓬
行矣勿滯留觴酌忻暫同不憚畏塗遠且竟信宿工

道經掘獄地尚憶劍氣紅邊烽
巨殘壘離思徒忡忡
筠邑丞禱雨有感賦以贈之

寬望眾方協枯焦感愆期順成責司牧肯以叔季辭
筠邦執徐歲蒔芸亢陽曦龜拆布疇晦百穀日已萎
邑丞具齊沐懇款重致詞靈湫詰朝詣甘澍應若隨
孰云璇極高類聽亦孔卑寸念感冥寂豐穰端賴之
黔首困兵革宜卹凍與饑君子垂豈弟允冀遵良規
送人赴金陵

風雨畢餘春飛花急如霰衡門竟朝掩好樹還蔥蒨
故人隔峽表不得長相見忽聞有遠役去去游海甸

扁舟指吳會更逐長風便自是俊逸才列判騰高薦
不獨蘇與張清談縱雄辨眷余篤友誼不辱鄙微賤
成名早歸來英游總驚羨

遣麴生 并序

麴生於余友義尤篤由髮燥迄今無間言當
余忻榮得意時其親愛不失左右及憂悲愁
戚窮悶無慘卒蒙周旋其間宣力居多或感
發或憤激或消釋或弭忘卽事計功夷險一
節殆踰夫直諒多聞者一日遽改容若欲謝
余以請絕色甚厲氣甚冽艷焉以進惡焉以

沮非余間生生之實余間也邈不可詳自顧
無所取將者召之前俾殫其衷以釋其惑生
于是惶惑自訟曰不自敬德和而靡節或涵
或醢爰耽爰溺詒譴于躬故茲決絕言訖歛
衽而退又若彷徨眷戀而弗忍者遂爲五韻
詩以遣之

抱戚坐衡宇癡憂日以瘁玉友告交絕短氣復慨慷
靡究獲嚴譴盍亦反自賊久服狂藥醉遽絕心孔傷
俛默謝僕狄因之戒荒亡

採樵山中作

晨興遵前路縱橫復多岐停策高阜間東西安所之
松柏繁陰敷並游多鹿麋境與俗塵遠採之堪療飢
斧彼礪底薪束歸任烹炊迴覺人迹絕復若世事遺
借問園與綺嘉遯亦若斯吾意爛柯者局終歸若遲
余生世已季戈戟日交馳古道邈云遠撫膺心不怡

留別胡家性

荆扉掩初秋羸臥欲終日高松落涼吹清露曉如櫛
疆起坐前檻有客款蓬室忻言良朋至辭接盡詳密
蹇子瘍在股不得屈茲膝兵革十稔餘困悴何由畢
格鬥恣吞噬擬步輒如漆君奚膏爾車炎日屆遠出

區城園材虎別我增憂慄直諒性所敦非君誰壹鬱
往年客孺子宅前今別十載薦罹兵燹弗果經
理不爲瓦礫之區必將爲有力者所獲感今
懷昔惕乎厥中因成短章以寄此情

傾顛莫支維爰用養貞晦明德光已耀已足動冠蓋
屢下賓賢榻禮意浹歡愛奮乎千載上遠與夷叔配
我來慕高躅購屋幸相對泠泠湖水清可濯亦可激
一朝鼙鼓動四海俱橫潰迎親仕清碧事竟與時背
寧知千載後進止兩顛沛豈虞居室焚復惻陵谷改
明當謝喧囂肥遁亦焉悔

熊德新修學宮完爲詩貽之

殿廡麗層雲乃是素王宮
櫺星列前敞逝川亦朝宗
顧茲兵燬餘瓦礫翳蒿蓬
昔人講經地齊館一朝空
邦侯領時望斯文稱鉅公
旦望畢恒禮咨度意益隆
相役得賢簿勉勉督眾工
載續修完美敢昧創造工
學徒知講習游譌萃其中
才彥當輩出文獻津以崇
蹇予謬承乏事往今不同
仰美文翁化作頌表愚衷

寄錢本芳

有客游桂城于時秋告杪
值茲搖落景孰緩憂心悄
行行道里遠去去知已少
多君共儒素傾蓋意逾厚

道同心卽契敢媿論交後永結芝蘭好何時醉醇醪
睽違多一載夢寐常攜手染翰暢深衷應憐別離久

寄傅時憲

憶昔分手時四見易裘葛昕夕耿懷思曷已此心渴
丹厓成獨往瑤草向晨掇樂與童冠游還喜俗氛脫
吾儕憐困悴高誼竟誰奪知己許論心諒君眷儒未

寄權豐城

白璧絕纖瑕瑩澈涵貞素由來荆人璞粹美非天賦
豐城列名區寶氣襍煙霧君膺竹符寄發政推仁恕
居氓積疫困德意諒宣布枉此照乘才作郡藹清譽

寄周所立

初綠藹喬林華館微薰爽粉節矗新篁錦箨綴林響
脫巾掛蘿薜陽景散清朗治此童冠儔林丘恣幽賞
趙璧非常珍妙鑑啟深獎蘭章枉芳札亟誦慰遐想
寧貽簡默愆輒復懷技痒思逐好風翔深謝期榛莽
書屋俯長衢枉顧已承屢趑然舉玉趾短策散輕步
神情獨散朗吐論發深趣君當儒林彥籍籍播芳譽
自是荆山珍無瑕表真度未酬連城價良用嘆遲莫

寄人

崇岡矗高梧上有彩鳳鳴疾風吹纖雲值此天宇清

汾陽唐功臣雲仍踵芳聲觀止愜平素願言接光榮
風雨晝淒淒行邁戒脩塗深冬饒雪霰清寒迫微軀
不獨逃竄苦幼子復被俘仁人鑒微衷願賜尺素書
聲光久所及文采亦有餘贈以鼎呂重因之釋縻拘
感德已銘鏤終當効區區

寄劉彥行時在德安縣

聚散耿睽違悵望渺廬嶽緬驚光景邁爰致音問迢
聞當理清秋獲奏承嘉擢從容辭大理黽勉署商推
賢勞念明哲寵命均優渥君才當茂彥妙蘊等荆璞
曠瞻萌鄙吝未遂懷芳舉引領雲錦間蹤迹限陽朔

寄陳伯昂

絲桐托清音山水寄高調鍾期邈云遠誰爲發眞照
耿耿寸心存泠泠七絃妙解啟聾俗聽毋詒賤工誚
獨鶴棲長松歛翮亦閑止高視浮雲端毛羽霜雪比
長風動天末千里烟塵起顚顚霄漢心奮迅志空委

貽陳學用

前路陟崇岡涼颼倅危綠于時遠行邁散步經棲曲
去燕無餘影寒蟬鳴高木新知偶相值觀止諧所欲
才高領時望何事媚幽獨更言游譚樂嘯咏忻自足
邀余坐華館觴酌汎醪醪論心手頻握交誼自今篤